

Մի խումբ ստորահոգի բախտախնդիրներ յանգեցնեցին բարձրացնել քաղաքացիական կուռի արիւնշաղախ դրօշը, ապստամբել հայ ժողովրդի ինքնորոշած կամքի դէմ և ճեղքել հայ դեմոկրատիայի ներքին մի ուրոյն ճակատը:

Դաշնակցած բուլշևիզմն ու պանիսլամիզմը ծափ գարկեցին, որովհետև նրանց հոգեվաճառ ազէնտներին յաջողւել էր անգամ ծւատւած երկիրը, արինաքամ ժողովուրդը, որբերի ու գաղթականների տխուր հայրենիքը Մոսկւայի և Էրզրումի քաղաքագէտների դիւային ծրագրներին ենթարկելու փորձեր անել:

Բանուորներ, ընկերներ և քաղաքացիներ:

Զրահապատ գնացքի մէջ պատասպարւած մի խումբ անորակելի ոճրագործներ՝ պարզելով «Խորհրդային Ռուսաստանի» դրօշակը՝ ամենամեծ դաւը նիւթեցին հայ ժողովրդի դէմ այն վայրկեանին, երբ նրա Փիղիքական գոյութիւնը մահացու չափ վտանգւած է ողջ չըջապատից և երբ նրա քաղաքական բախտը որոշելու վերջին օրերն ենք ապրում: Հայ դաւաճանները իրենց խելազար արարքով օգնում են միայն արտաքին թշնամիներին՝ թէ՛ Հայաստանը օղակող թիւրք-թաթարական սպառազէն բանդաներին, և թէ՛ Պոլսի քաղաքագէտներին:

Բանուորներ, ընկերներ և քաղաքացիներ:

Ամէն մէկիւ սրբազան պարտականութիւնն է այս ծանր օրերին ձեր ուժի ու եռանդի, շնորհքի և ընդունակութեան մաքսիմումը նւիրարել վտանգւած հայրենիքի պաշտպանութեան գործին: Բոլոր նրանք, որոնց մէջ առկայծում է պատասխանատւութեան վառ զգացմունքը մի բռն զժբախտ ժողովրդի գոյութեան և նրա գերազանցօրէն արդար դատի համար, պէ՛տք է ոտքի ելնեն, որպէս ծառացած լմբոստութիւն, և աջակցեն Հայաստանի կառավարութեան՝ բնի մէջ խեղդելու համար այն հայրենադաւ ոճրագործների ապստամբութիւնը, որոնք փորձում են փոքրիկ մեր դեմոկրատական իրաւակարգի հիմքերը և մտցնել բռնապետական-տեռորիստական արդէն դատապարտւած վարչաձևը:

Թո՛ղ կորչեն պետական ոճրագործները և բոլոր հակապետական տարրերը:

Կեցցէ՛ սոցիալիզմը և դեմոկրատիզմը Հայաստանում:

Հայաստանի Սոց.—Դեմ. Բանւ. Կուսակցութեան Երեսնի Կոմիտէ»:

Ժողովրդին յորդոր ուղղեց և Ամենայն Հայոց Կաթողիկոսը.

«Նոքա, որոնք վտանգ չեն տեսնում արեւելից և արեւմուտից, նոքա, որոնք չտեսնողս են ձեանում, որ մեր տան մէջ մեր դէմ դաւեր են լարւում՝ պայթեցնելու անկախ Հայաստանի գաղափարը, նոքա, որոնք չեն տեսնում հայաջինջ ծրագիրների քայլ առ քայլ և հետեողական իրագործումը, զգո՞ւմ են, թէ ինչ պատասխանատւութիւն է ծանրանում նոցա հանդէպ պատմութեան առաջ: Այս բոպէիս, երբ ամենքիս պարտականութիւնն է համախմբւել ո՛չ միայն հայրենիքի պահպանութեան և վերաշինութեան գործի շուրջը, այլ, նամանաւանդ, հայ ժողովրդի Փիղիքական գոյութիւնը պահպանելու դժւարին աշխատանքի շուրջը, ցաւալի է տեսնել ներքին երկպառակութիւնները:

Մենք, ինչպէս և մեր երջանկայիշատակ նախնիքները, որ աշխատանք ենք թափել տաճկահայ դատի համար լաւ օրերի յոյսի ակնկալութեամբ, չենք կարող անտարբեր մնալ այս նեղ բոպէներին, և երբ վտանգւած ենք